



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

76. Rvardvs Parochus vapulat, cuius facinoris reus puratur, & excommunicatur Proclus, qui tamen, cùm innocens sit, reipsâ excommunicatus non est.

urn:nbn:de:hbz:466:1-40942

bus, quam Religiosis, Nobilibus, quam plebeis, & in frigidis Regionibus, quam in alijs. Atque ex his patet ad argumenta in contrarium, ex quibus tamen contrariam sententiam fatemur probabilem, & verò tenendam, ubi usus alicuius ex prædictis non est permisus in iejunio.

LXXV. Reymundus artem novit curandi cancerum aliquor mulierum recuperatā sanitatem probatam, quam tamen communicare nulli vult, eo quod Magistro suo ad hoc se iuramento obstrinxerit. Quæritur. Verum iuramento hoc teneatur?

Videtur teneri, quia ex communi Doctorum iuramentum obligat, quotiescumque materiam habet licitam, & licite impleri potest. Atqui hoc sit in proposito. Ergo &c.

Resp. Reymundum non teneri iuramento, sed licite artem suam communicare posse alijs. Ita Fagundez L. 2. in Decalog. c. 14. infine, citans D. Thom. & Sylvest. Ratio est, quia contra charitatem est, necessitati atque utilitati proximi non succurrere, cum tam facile possis, ad quod adstringere non potest iuramentum; cum istud non sit vinculum cuiusvis iniquitatis. Vnde patet ad rationem in oppositum.

LXXVI. Ruardus Parochus noctu domū rediens insigniter verberibus excipitur, cuius facinoris accusatur Proclus illius nuper inimicus, atq; eiusdem facinoris propter allegatae & probatae condem-

natus excommunicatur, cùm reverà sit innocens.
Quæritur. Vtrū Proclus si reipsā excommunicatus?

Videtur excommunicatus. Ita Gloss. in c. i. de-
finit excom. in 6. V. propter quam. Durand. 4.
D. 18. q. 4. & plerique Iuristæ. Quia Iudex
procedens secundūm allegata & probata, iu-
stè procedit. Ergo eius sententia valet.

Resp. Proclum reipsā non esse excommu-
nicatū. Ita Couarr. in c. Alma 1. p. §. 7. n. 5. Ca-
jet, Sotus, Tolet, Nauarr. Suar, Auila, Laym.
alij. Tum quia nemo potest ligari, nisi prop-
ter peccatum à se verè commissum. Tum quia
credibile non est, Christum Ecclesiæ suæ po-
testatē reliquisse, priuandi innocentem tan-
tis bonis spiritualibus, cùm hæc priuatio nec
publicæ disciplinæ, nec Iudicis autoritati
tuendæ expedit, satis quippe his aliunde
consultitur, vt statim patebit. Quare potest
Proclus, secluso scandalo, conuersari cū ho-
minibūs, sacris interesse, communicare, &c.
In foro tamen externo, vbi periculū est scan-
dali, vel præsumptionis, quasi censuram ta-
lem, & magistratum suum contemneret, ge-
rere se debet instar verè excommunicati, non
vi censuræ, vt vult Suarez Tom. 5. in 3. p. D. 4.
§. 7. n. 10. Sed ex Iure naturali, vt recte Palao
P. 6. Tr. 29. D. 1. p. 8. n. 16. Atque in hunc sen-
sum intelligi potest Glossa cit.

Ad rationem in oppositum negatur conse-
quentia, quia ad valorem sententiae in hac re
non

non sufficit, Iudicem iustè, seruato juris ordine, procedere, sed insuper necesse est, ut re ipsâ iustum decernat & præcipiat Aliud infra dicemus in causis merè sacerdotalibus.

LXXVII. Ruffina relicta opificis vidua cum filia & ancillâ suâ frequenter ac diu laborat diebus festis, præcisè vitandi otij causâ. Quaritur. An peccet mortaliter?

Videtur sic peccare. Ita Suarez de religione. Tom. I. L. I. cap. 26. n. I. Comitolus in resp. L. 14. q. 37. & alij. Quia violatur præceptum Ecclesiæ in re graui.

Resp. Ruffinam non peccare mortaliter. Ita Sa, V. Festum n. 6. Sylvest. V. Dominica q. 5. dicto 3. Homobonus. vol. I. p. 2. Resp. 35. & alij. Ratio est, quia, vt evitetur damnum temporale, licetè diebus festis laborant opifices; Item vxores, filij familias, & famuli à marito, patre, & hero iussi, vt ex communi docet Bonac. in 3. præcept. Decal. D. 5. q. vnic. p. 3. n. 15. & 16. cur ergo non multò magis licetè laborent Ruffina, & huius filia ac famula, vt evitent damnum spirituale, quod ab otio & curioso per fenestram prospectu meritò sibi timere possunt? Quod si per duas solùm tres horas laborent, ex parvitate materiæ illas excusat Marchantius Q. pastor. c. 3. q. 2. modò scandalū, omissionem Sacri, & similia caveant.

Ad rationem in oppositum negamus, vio-
lari